



Ministarstvo poljoprivrede, šumarstva i vodoprivrede HNŽ-K
Ministarstvo poljoprivrede, šumarstva i vodoprivrede HNK
Министарство пољопривреде, шумарства и водопривреде ХНК

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13), člana 20. i 21. Statuta Javnog preduzeća Šumsko privrednog društva „Šume Hercegovačko-neretvanske“ d.o.o. Mostar („Službene novine Hercegovačko-neretvanskog kantona“ broj: 09/12 i 8/17), Ministar poljoprivrede, šumarstva i vodoprivrede Hercegovačko-neretvanskog kantona raspisuje

**JAVNI KONKURS
ZA IZBOR KANDIDATA ZA IMENOVANJE JEDNOG ČLANA NADZORNOG ODBORA
JAVNOG PREDUZEĆA ŠUMSKO PRIVREDNOG DRUŠTVA
„ŠUME HERCEGOVAČKO-NERETVANSKE“ d.o.o. MOSTAR**

I Predmet konkursa

Raspisuje se konkurs za izbor i imenovanje 1 (jednog) člana Nadzornog odbora Javnog preduzeća Šumsko privredno društvo „Šume Hercegovačko neretvanske“ d.o.o. Mostar.

II Opis pozicije

Nadzorni odbor obavlja slijedeće poslove:

- a) nadzire poslovanje Društva,
- b) priprema Poslovnike i predlaže ih Skupštini,
- c) priprema Etički kodeks i predlaže ga Skupštini,
- d) vrši izbor kandidata Odbora za reviziju na osnovu raspisanog konkursa i podnosi prijedlog za njihovo imenovanje Skupštini društva,
- e) razmatra Pravilnik o nabavci roba, izvršenju usluga i ustupanju radova, koji je provedbeni propis za postupke nabavke u Društvu, te vrši nadzor nad radom Uprave, kao i uposlenika u vezi primjene i provedbe Pravilnika, odnosno propisa o nabavkama,
- f) razmatra izvještaj o nabavkama, te nadležnim tijelima prijavljuje sve prevare i zloupotrebe,
- g) daje mišljenje Skupštini o prijedlogu Uprave za raspodjelu dobiti,
- h) predlaže način pokrića gubitka,
- i) daje upute direktoru za provođenje uviđaja u vezi sa uočenim nepravilnostima,
- j) daje ovlaštenja za aktivnosti koje su ograničene na osnovu Statuta i zakona,
- k) usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije,
- l) podnosi Skupštini godišnje izvještaje o poslovanju Društva koje obavezno uključuje izvještaj revizora, izvještaj o radu Nadzornog odbora i Odbora za reviziju i trogodišnji plan poslovanja,
- m) razmatra i predlaže Skupštini Društva revidirani godišnji plan poslovanja,

- n) odobrava kupovinu, prodaju, zamjenu, uzimanje u lizing i druge transakcije imovinom u toku poslovne godine u obimu od 15% - 33% knjigovodstvene vrijednosti ukupne imovine Društva,
- o) nadzire Upravu u provođenju preporuka datih od strane Odbora za reviziju, te vanjskog revizora sa specificiranim rokovima,
- p) organizuje pripremu istinitih računovodstvenih izvještaja i finansijskih iskaza sačinjenih u skladu sa međunarodnim računovodstvenim standardima, kao i propisima o računovodstvenim i revizorskim standardima F BiH iz koje su vidljive finansijske pozicije Društva, te koje su otvorene za pregled od strane svih osoba koje imaju pravni interes u poslovanju Društva,
- q) sistemski nadzire zakonitost poslovanja,
- r) redovno izvještava Skupštinu Društva o svom radu,
- s) imenuje i razrješava na prijedlog direktora rukovodioce poslovnih jedinica – šumarija i izvršne direktore,
- t) imenuje povremene komisije i utvrđuje njihov sastav i zadatke i godišnje planove na prijedlog Uprave,
- u) donosi šumsko – privredne osnove i godišnje planove na prijedlog Uprave,
- v) razmatra prigovore radnika u svojstvu drugostepenog organa,
- w) utvrđuje prijedlog akata iz svoje nadležnosti koje donosi Skupština Društva,
- x) usvaja popisne izvještaje,
- y) donosi odluke o usvajanju cjenovnika robe i usluga Društva,
- z) obavlja i druge poslove u okviru nadzora nad poslovanjem Društva u skladu sa zakonom,
- aa) imenuje i razrješava direktora Društva.

III Mandat

Član Nadzornog odbora imenuje se na period do isteka mandata preostalih članova Nadzornog odbora J.P. Šumsko privrednog društva „Šume Hercegovačko-neretvanske“ d.o.o. Mostar koji su imenovani Odlukom Vlade Hercegovačko-neretvanskog kantona broj: 01-1-02-762/23 od 23.03.2023. godine.

Nadzorni odbor obavlja poslove propisane članom 25. Statuta Javnog preduzeća Šumsko privrednog društva „Šume Hercegovačko-neretvanske“ d.o.o. Mostar, te poslove propisane odredbama Zakona o javnim preduzećima („Službene novine F BiH“, broj: 8/05, 81/08, 22/09 i 109/12) i Zakona o privrednim društvima („Službene novine F BiH“, broj: 81/15 i 75/21).

IV Uslovi za imenovanje

Kandidati za imenovanje na tražene pozicije moraju ispunjavati opšte i posebne uslove.

A. Opšti uslovi:

Kandidat za člana Nadzornog odbora Javnog preduzeća Šumsko privrednog društva „Šume Hercegovačko-neretvanske“ d.o.o. Mostar mora ispunjavati slijedeće opšte uslove:

- da je stariji od 18 godina, a mlađi od 65 godina na dan imenovanja (dokaz: izvod iz matične knjige rođenih original ili ovjerena kopija istog);
- da je državljanin Bosne i Hercegovine (dokaz: uvjerenje o državljanstvu ne starije od 6 mjeseci ili ovjerena kopija istog);
- da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objavljivanja upražnjene pozicije (dokaz: potpisana i ovjerena izjava ne starija od 6 mjeseci);
- da se na kandidata ne odnosi član IX 1. Ustava Bosne i Hercegovine (dokaz: potpisana i ovjerena izjava ne starija od 6 mjeseci);
- da nije osuđivan za krivična djela i privredni prestup nespojiv s dužnošću člana Nadzornog odbora i to 5 godina od dana pravosnažnosti presude, isključujući vrijeme izdržavanja kazne zatvora, prije datuma objavljivanja upražnjene pozicije (dokaz: potpisana i ovjerena izjava ne starija od 6 mjeseci);
- da nije na dužnosti u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13) (dokaz: potpisana i ovjerena izjava ne starija od 6 mjeseci);
- da nije izabrani dužnosnik, nosilac izvršnih funkcija ili savjetnik u smislu Zakona o sukobu interesa u tijelima vlasti Federacije Bosne i Hercegovine („Službene novine F BiH“, broj 70/08) (dokaz: potpisana i ovjerena izjava ne starija od 6 mjeseci);
- da nema direktan ili indirektan interes u bilo kakvoj aktivnosti koji bi doveo do sukoba interesa s dužnošću u javnom preduzeću, odnosno privrednom društvu u čije se tijelo kandidira (dokaz: potpisana i ovjerena izjava ne starija od 6 mjeseci);
- da nije u nadzornom ili upravnom odboru u drugoj instituciji ili privrednom društvu (dokaz: potpisana i ovjerena izjava ne starija od 6 mjeseci);

B. Posebni uslovi:

Kandidat mora ispunjavati sljedeće posebne uslove:

- VSS, završen fakultet društvenog ili tehničkog smjera, VII stepen stručne spreme (ekvivalent Bolonjskog sistema studiranja sa ostvarenih 240 ECTS bodova ili završen stepen drugog ciklusa univerzitetskog studija po Bolonjskom sistemu sa ukupno 300 ECTS studijskih bodova (dokaz: kopija diplome ovjerena od strane nadležnog tijela);
- najmanje 3 godine radnog iskustva u struci nakon sticanja visokog obrazovanja (dokaz: uvjerenje ili potvrda o radnom iskustvu).
- Da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava u privrednim društvima sa učešćem državnog kapitala („Službene novine Federacije BiH“, broj: 71/09, 33/10, 23/11, 83/11, 2/13, 80/13, 48/15, 60/15, 60/16, 86/17 i 19/22) (dokaz: original ili ovjerena kopija Certifikata o završenom usavršavanju izdata od strane nadležnog organa ili potpisanu i ovjerenu izjavu kojom kandidat izjavljuje da preuzima obavezu da usavršavanje obavi u roku od 6 (šest) mjeseci od dana imenovanja na poziciju).

V Kriteriji izbora

Prilikom procjene kvalifikacija i iskustva kandidata uzet će se u obzir i sljedeće:

- vladanje materijom i problematikom iz oblasti za koju se kandiduje;
- sposobnost za savjesno, odlučno i odgovorno obavljanje poslova;
- sposobnost nepristrasnog donošenja odluka;
- komunikacijske i organizacijske sposobnosti;
- sposobnost upravljanja finansijskim i ljudskim resursima
- preporuke ranijih neposrednih rukovodioca.

VI Potrebni dokumenti:

Uz prijavu na javni konkurs kandidati su dužni priložiti kraći životopis s adresom i kontakt telefonom, priložiti originalne dokumente ili ovjerene kopije navedenih dokumenata, ne starije od šest (6) mjeseci, koji predstavljaju dokaz o ispunjavanju opštih i posebnih uslova traženih konkursom.

Dokumenti priloženi uz prijavu na javni konkurs neće se vraćati kandidatima.

VII Ostale napomene

Komisija za provođenje postupka za izbor kandidata za imenovanje jednog člana Nadzornog odbora J.P. Š.P.D. „Šume Hercegovačko-neretvanske“ d.o.o. Mostar će nakon zaključenog javnog konkursa pregledati sve prispjele prijave i utvrditi da li su prijave blagovremene i sa potpunom dokumentacijom. Nepotpune i neblagovremene prijave Komisija neće razmatrati, o čemu će odmah obavijestiti kandidate čije prijave nisu potpune i blagovremene.

Komisija će sačiniti listu kandidata koji ispunjavaju uslove tražene konkursom. Sa kandidatima koji ispunjavaju uslove Komisija će obaviti intervju. Pozvani kandidati koji ne pristupe na zakazani intervju smatrat će se da su odustali od daljnjeg učešća u konkursu. Nakon obavljenog intervjua Komisija će Ministru dostaviti Izvještaj o obavljenom intervjuu i drugu popratnu dokumentaciju kandidata.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, broj: 49/06, 76/11 i 89/11).

Obavještenje o Javnom konkursu objavljuje se u „Službenim novinama Federacije Bosne i Hercegovine“, te u dnevnim novinama „Večernji list“, a integralni tekst Javnog konkursa objavit će se na web stranici Vlade Hercegovačko – neretvanskog kantona i Ministarstva poljoprivrede, šumarstva i vodoprivrede Hercegovačko – neretvanskog kantona.

Javni konkurs ostaje otvoren 15 dana od dana objave u „Službenim novinama Federacije Bosne i Hercegovine“.

Prijave na javni konkurs sa svim traženim dokumentima mogu se dostaviti lično ili putem poštanske službe preporučeno, na adresu:

Ministarstvo poljoprivrede, šumarstva i vodoprivrede HNK

Komisija za izbor

Hrvatske mladeži bb

88000 M o s t a r

uz naznaku: „Prijava na Javni konkurs za izbor kandidata za imenovanje jednog člana Nadzornog odbora u Javnom preduzeću Šumsko privrednom društvu „Šume Hercegovačko-neretvanske“ d.o.o. Mostar“.

- NE OTVARATI -

Broj: 06-22-2837-1/24

Mostar, 22.11.2024. godine

